



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-5784/23
Sarajevo, 21.11.2023.godine

PARLAMENT FEDERACIJE
ZASTUPNIČKI/PREDSTAVNIČKI DOM

Bosna i Hercegovina
federacija Bosne i Hercegovine
PARLAMENT FEDERACIJE
SARAJEVO

Primljeno: 24-11-2023

Org. jed.	Broj	Priloga	Vrijednost
05/1	- 02 -	381	/23

PREDMET: Odgovor na zastupničku inicijativu Marijane Hrvic Šikuljak, zastupnice u Predstavničkom domu Parlamenta Federacije BiH-dostavlja se;

VEZA: Vaš akt broj:05/1-02-381/23 od 26.10.2023. godine;

Stručna služba Vlade Kantona Sarajevo prosljedila je ovom Ministarstvu zastupničku inicijativu zastupnice Predstavničkog doma Parlamenta Federacije BiH Marijane Hrvic Šikuljak podnesene na Osmoj vanrednoj sjednici Predstavničkog doma Parlamenta Federacije BiH održanoj dana 25.10.2023. godine. U prilogu dostavljamo odgovor, pripremljen od strane Uprave policije Ministarstva unutrašnjih poslova Kantona Sarajevo.

S poštovanjem,

Prilog:

-Akt MUP, Uprava policije broj:02/1-3-104/23 od 21.11.2023. godine,



Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/1-3-104/23
Datum: 21.11.2023) godine

MINISTARSTVO UNUTRAŠNJIH POSLOVA
KANTONA SARAJEVO
n/r sekretar

PREDMET: Zastupničko pitanje, odgovor, d o s t a v l j a s e.

VEZA: Vaš akt broj 01-9-02-2-5784/23 od dana 10.11.2023. godine

U vezi Vašeg akta broj i datum gornji, kojim je Upravi policije MUP-a Kantona Sarajevo dostavljena inicijativa zastupnice Predstavničkog doma Parlamenta Federacije Bosne i Hercegovine Marijane Hrvić Šikuljak sa Osme vanredne sjednice Predstavničkog doma Parlamenta Federacije Bosne i Hercegovine, održane dana 25.10.2023. godine, a koja se odnosi na izradu "Strategije za borbu protiv nasilja nad djecom u Federaciji Bosne i Hercegovine", obavještavamo Vas o sljedećem:

Uprava policije MUP-a Kantona Sarajevo u svom strategijskom opredjeljenju sistemski radi na prevenciji maloljetničkog prijestupništva u saradnji sa vladinim i nevladinim organizacijama i drugim partnerima, te provodi veliki broj projekata usmjerenih na prevenciju maloljetničkog prijestupništva u Kantonu Sarajevo, a sve u cilju borbe protiv nasilja nad djecom.

Potrebno je izdvojiti da u skladu sa sporazumom o saradnji sa Ministarstvom za odgoj i obrazovanje Kantona Sarajevo, Uprava policije MUP-a Kantona Sarajevo poduzima niz aktivnosti kroz rad policajaca u zajednici, kojom prilikom bi izdvojili aktivnost izvođenja edukativnih radionica za učenike osnovnih i srednjih škola. Navedenim edukativnim radionicama učenicima se prezentuju informacije i znanja iz različitih oblasti društveno-prihvatljivog, odnosno, neprihvatljivog ponašanja, te posljedica koje eventualno proističu iz istog.

Pored navedenog, policijski službenici Uprave policije MUP-a Kantona Sarajevo prisustvuju i multisektorskim sastancima u skladu sa Pravilnikom o načinu i obliku provođenja odgojno-obrazovne podrške i stručnog tretmana ("Službene novine Kantona Sarajevo broj 29/19"), u cilju rješavanja problema neprihvatljivih oblika ponašanja djece u osnovnim školama.

Također, u cilju zaštite djece i maloljetnika, a u saradnji sa OSCE-om u Bosni i Hercegovini i svim resornim ministarstvima Kantona Sarajevo, Kantonalnim tužilaštvom Kantona Sarajevo i dr. institucijama izrađen je "Protokol o saradnji i postupanju u slučajevima protivpravnog ponašanja na štetu djece u Kantonu Sarajevo", a naknadno je potpisan i Anex Protokola, kojima su na sistemski način definisane određene smjernice u postupanjima kod slučajeva gdje su djeca oštećena krivičnim djelima ili prekršajima.

Napominjemo da su se predstavnici Uprave policije MUP Kantona Sarajevo aktivno uključili u izradu "Akcionog plana za prevenciju maloljetničkog prijestupništva i rad sa maloljetnicima u kontaktu sa pravosudnim sistemom u Kantonu Sarajevo (2023.- 2025. godina), čime će se predvidjeti obaveze policijskim službenicima MUP-a Kantona Sarajevo sa ciljem prevencije maloljetničkog prijestupništva i borbe protiv nasilja nad djecom.

Također, predstavnik Uprave policije MUP-a Kantona Sarajevo sudjeluje u radu Interresornog stručnog tima za izradu „Okvirnog plana prevencije i spriječavanja nasilja u odgojno- obrazovnim ustanovama u Federaciji Bosne i Hercegovine” koje je imenovalo Federalno ministarstvo obrazovanja i nauke Federacije BiH.

Predstavnik Uprave policije MUP-a Kantona Sarajevo aktivno učestvuje u izradi „Strategije prema mladima Kantona Sarajevo 2024.-2028.godina”, čiji nosilac aktivnosti je Ministarstvo za nauku, visoko obrazovanje i mlade Kantona Sarajevo.

U vezi svega gore navedenog, Uprava policije MUP-a Kantona Sarajevo postupa u skladu sa Zakonom o zaštiti i postupanju sa djecom i maloljetnicima u krivičnom postupku FBiH i drugim podzakonskim aktima, koji se odnose na najbolji interes djeteta i djecu u sukobu sa zakonom, te će i u narednom periodu dati svoj maksimalan doprinos u kreiranju svih dokumenata koji se tiču djece i zaštite njihovih prava, a posebno u segmentu borbe protiv nasilja nad djecom.

S poštovanjem,

